

**BOSNA I HERCEGOVINA  
FEDERACIJA BiH  
VETERINARSKA KOMORA FEDERACIJE  
Zmaja od Bosne 90, Sarajevo  
Tel/fax: 033 663 515**

Broj: 17-1/11  
Sarajevo, 24.02.2011. godine

Na osnovu Člana 54. stava 6. Zakona o veterinarstvu Federacije Bosne i Hercegovine ("Službeni glasnik FBiH" broj 46/00), Statuta Veterinarske komore Federacije BiH, Skupština Veterinarske komore Federacije BiH na svojoj XVII redovnoj sjednici Skupštine održanoj dana 24.02.2011. godine donosi:

**ODLUKU  
O IZMJENI I DOPUNI STATUTA VETERINARSKE KOMORE FEDERACIJE BiH**

**I**

Ovom Odlukom vrši se izmjena i dopuna Statuta Veterinarske komore Federacije BiH od dana 24.02.2011. godine i to:

1. 10, stav 1, mijenja se tačka 17. koja glasi: *„izdaje stručne časopise, biltene i publikacije, propisuje i izdaje obrasce neophodne pri obavljanju veterinarske djelatnosti (uvjerenja, certifikati, svjedodžbe o zdravstvenom stanju životinja, obrasce, potvrde, prijave, pasoše registre itd )“* te dodaje se tačka 18: *“Štiti članove Komore od nelojalne konkurencije, u skladu sa važećim zakonskim propisima“, a ranija tačka 17 postaje tačka 19., i čl. 67 gdje se dodaje novi stav 2, koji glasi: "Do 30.06. tekuće godine sekretar Komore će pismenim aktom pozvati članove da izmire svoje obaveze po osnovu članarine, uz ostavljanje roka od 30 dana od dana dostavljanja pismenog akta“.*

**II**

**STATUT  
VETERINARSKE KOMORE FEDERACIJE BOSNE I HERCEGOVINE  
mijenja se i glasi:**

**I OPĆE ODREDBE**

**Članak 1.**

Statutom Veterinarske komore Federacije Bosne i Hercegovine (u daljem tekstu: Statut) uređuje se organizacija, zadaci i poslovi Veterinarske komore Federacije Bosne i Hercegovine (u daljem tekstu: Veterinarska komora Federacije), način rada, pitanje članstva, tijela upravljanja, način izbora i njihovog djelovanja, opoziv, mandat, odlučivanje i odgovornost tijela, zastupanje i predstavljanje, kao i druga pitanja od važnosti za djelovanje Veterinarske komore Federacije.

**Članak 2.**

Radi očuvanja i zaštite interesa svoje profesije, zadovoljavanja svojih stručnih i ličnih potreba, osiguravanja uvjeta za organizovan nastup veterinarskih zaposlenika prema organima

vlasti, udruženjima, veterinarskim ustanovama, proizvođačima i dobavljačima veterinarske opreme, kao i zaštite zdravlja životinja i ljudi, veterinarski zaposlenici obavezno se udružuju u Veterinarsku komoru Federacije kao strukovno udruženje.

Veterinarska komora Federacije je udruženje veterinarskih djelatnika koje obuhvaća doktore veterinarske medicine, s pravom ili bez prava javnog djelovanja. Članovi Veterinarske komore Federacije mogu biti umirovljeni veterinari, kao i veterinari strani državljanima, sa ili bez prebivališta na području Bosne i Hercegovine.

U tijelu Veterinarske komore Federacije mogu se birati umirovljeni veterinari i veterinarski zaposlenici u državnim organima uprave, vojsci i javnim ustanovama.

### Članak 3.

Veterinarska komora Federacije je pravna osoba sa svim pravima, obavezama i odgovornostima koje joj pripadaju u skladu sa odredbama Ustava Federacije i Zakona o veterinarstvu u Bosni i Hercegovini («Službeni glasnik BiH», broj 34/02), upisana je u Registar komora Federacije Bosne i Hercegovine (u daljem tekstu: Federacija). Sukladno potrebama i uvjetima, a uz suglasnost Predsjedništva, Veterinarska komora Federacije može uspostaviti i svoje podružnice za pojedine kantone ili jednu podružnicu za više kantona.

### Članak 4.

Veterinarska komora Federacije samostalno odlučuje o suradnji s drugim veterinarskim komorama, o povezivanju sa sličnim institucijama i o prestanku takve suradnje. Veterinarska komora Federacije može ostvariti suradnju s odgovarajućim međunarodnim organizacijama i učlanjivati se u te organizacije. Odluke o učlanjivanju donosi Predsjedništvo Veterinarske komore Federacije.

Veterinarska komora Federacije će svojim aktima urediti odnose sa Veterinarskom komorom Republike Srpske uz mogućnost osnivanja Veterinarske komore Bosne i Hercegovine.

## **II NAZIV, SJEDIŠTE I PODRUČJE DJELOVANJA**

### Članak 5.

Puni naziv Veterinarske komore Federacije glasi: Veterinarska komora Federacije Bosne i Hercegovine, a skraćeni naziv je: VK Federacije.

### Članak 6.

Sjedište Veterinarske komore Federacije BiH je u Sarajevu.

### Članak 7.

Veterinarska komora Federacije djeluje na čitavom teritoriju Federacije.

## Članak 8.

Veterinarska komora Federacije ima pečat, žig i štambilj, te pečat sa grbom Federacije Bosne i Hercegovine. Pečat i žig Veterinarske komore Federacije su okrugla oblika, promjera 30 mm, s upisanim tekstom u krugu: Bosna i Hercegovina, Veterinarska komora Federacije BiH Sarajevo, a u sredini je znak Veterinarske komore Federacije.

Štambilj Veterinarske komore Federacije je pravokutnog oblika, veličine 60x20 mm, a sadržava naziv i adresu sjedišta Veterinarske komore Federacije.

Pečat sa grbom Federacije Bosne i Hercegovine je okruglog oblika, promjera 38 i 25 mm, s upisanim tekstom u koncentričnim krugovima oko grba koji se nalazi u sredini pečata, «Bosna i Hercegovina, Federacija Bosne i Hercegovine», «Veterinarska komora Federacije», s upisom sjedišta Veterinarske komore Federacije BiH «Sarajevo».

## Članak 9.

Odluke o promjeni naziva, sjedišta, područja djelovanja, broju i načinu uporabe pečata i štambilja donosi tijelo određeno ovim statutom.

## III SVRHA OSNIVANJA, CILJEVI I ZADAĆE

### Članak 10.

Veterinarska komora Federacije obavlja slijedeće poslove:

1. članovima s položenim stručnim ispitom izdaje i oduzima veterinarske licence za obavljanje veterinarskih djelatnosti i vodi o tome registar;
2. planira, prati i organizira stručno usavršavanje veterinara, kao i ispit stručne osposobljenosti veterinara u veterinarskim organizacijama;
3. obavlja stručnu kontrolu u veterinarskim organizacijama;
4. verificira veterinarske organizacije i vodi njihov registar;
5. utvrđuje minimalne i maksimalne cijene veterinarskih usluga uz prethodno pribavljeno mišljenje federalnog ministra poljoprivrede, vodoprivrede i šumarstva (u daljem tekstu: federalni ministar);
6. surađuje u pripremi propisa o veterinarstvu;
7. surađuje u postupku podjele javnih ovlaštenja;
8. surađuje u oblikovanju programa studijskog obrazovanja i stručnog usavršavanja;
9. utvrđuje etički kod za provođenje veterinarske profesije;
10. utvrđuje prekršaje i kazne u slučaju narušavanja profesionalnog ponašanja;
11. daje mišljenje za rad veterinarskih zaposlenika izvan punog radnog vremena;
12. zastupa interese svojih članova kod organa vlasti i drugih pravnih lica;
13. pruža zaštitu držaocima životinja u ostvarivanju prava, s obzirom na obim, kvalitet, sadržaj i vrstu veterinarske usluge;
14. sudjeluje pri utvrđivanju standarda i normativa veterinarskih usluga;
15. organizuje naučne i stručne skupove;
16. propisuje način oglašavanja i način isticanja naziva veterinarskih organizacija;
17. izdaje stručne časopise, biltene i publikacije, propisuje i izdaje obrasce neophodne pri obavljanju veterinarske djelatnosti (uvjerenja, certifikati, svjedodžbe o zdravstvenom stanju životinja, obrasce, potvrde, prijave, pasoše, registre itd.)

18. štiti članove Komore od nelojalne konkurencije, u skladu sa važećim zakonskim propisima  
19. obavlja i druge, poslove u skladu sa odredbama ovog statuta

#### Članak 10 a.

Poslovi Veterinarske komore Federacije iz članka 10. stav 1. tač. 1, 2, 3, 4, 5. i 16. ovog statuta, u smislu člana 58. stav 4. i 6. Zakona o veterinarstvu u Bosni i Hercegovini («Službeni glasnik BiH», broj 34/02) i člana 27. Zakona o upravi u Federaciji Bosne i Hercegovine («Službene novine Federacije BiH», broj 28/97 i 26/02), su poslovi povjerenih javnih ovlaštenja.

#### Članak 10 b.

Upravni nadzor nad radom Veterinarske komore Federacije u dijelu koji se odnosi na obavljanje poslova povjerenih javnih ovlaštenja vrši Federalno ministarstvo.

Veterinarska komora Federacije mora radi vršenja javnih ovlasti povjerenih Zakonom o veterinarstvu BiH i drugim zakonima ispunjavati kadrovske, prostorne i druge uslove, koje će utvrditi Federalno ministarstvo.

Međusobni odnosi između Federalnog ministarstva i Veterinarske komore Federacije uredit će se ugovorom.

#### Članak 11.

Veterinarska komora Federacije konstituira odbore, koji omogućuju obavljanje komorskih zadataka. Odbori izrađuju pravilnike kojima se određuje djelokrug rada i oblik njihovog djelovanja. Pravilnike odbora prihvata Predsjedništvo Veterinarske komore Federacije.

#### Članak 12.

Djelovanje Veterinarske komore Federacije je javno. Javnost rada Veterinarske komore Federacije ostvaruje se prema odredbama ovog statuta i općih akata Veterinarske komore Federacije.

### **IV SREDSTVA ZA RAD**

#### Članak 13.

Sredstva potrebna za rad Veterinarske komore Federacije osiguravaju se:

- upisninom, članarinom i doprinosima članova Veterinarske komore Federacije;
- prihodima ostvarenim po osnovu izdavanja dozvola- licenci za samostalni rad doktora veterinarske medicine;
- prihodima od naknada za usluge koje obavlja Veterinarska komora Federacije;
- prihodima od održavanja kongresa, simpozija i savjetovanja;
- prihodima od stručnih znanstvenih usluga;
- prihodima od vlastite izdavačke djelatnosti;
- donacijama;
- drugim prihodima.

## Članak 14.

Veterinarska komora Federacije određuje sredstva potrebna za svoj rad godišnjim finansijskim planom na osnovu predviđenih troškova za izvršenje zadataka iz programa rada Veterinarske komore Federacije, troškova za rad tijela Veterinarske komore Federacije, stručne službe Veterinarske komore Federacije i drugih tekućih poslova. Finansijski plan i rebalans donosi skupština na prijedlog Predsjedništva.

## Članak 15.

Finansijsko poslovanje Veterinarske komore Federacije obavlja se prema zakonu, pod zakonskim i drugim aktima.

## Članak 16.

Veterinarska komora Federacije posluje s jedinstvenim bankovnim računom.

## **V TIJELA VETERINARSKE KOMORE FEDERACIJE**

### Članak 17.

Tijela Veterinarske komore Federacije su:

- Skupština Veterinarske komore Federacije BiH;
- Predsjednik i dopredsjednici Veterinarske komore Federacije;
- Predsjedništvo Veterinarske komore Federacije;
- Administrativno- stručni odbor;
- Odbor za veterinarsku etiku;
- Sud časti;
- Odbor za stručno usavršavanje uposlenih doktora veterinarske medicine;
- Gospodarski odbor;
- Nadzorni odbor;
- Izdavački odbor;
- Drugi odbori i povjerenstva koje organizira skupština.

## **SKUPŠTINA VETERINARSKE KOMORE FEDERACIJE**

### Članak 18.

Skupština je najviše tijelo upravljanja Veterinarske komore Federacije. Skupštinu čine članovi koje izaberu pojedini kantoni kao svoje zastupnike.

### Članak 19.

Skupština Veterinarske komore Federacije brine o ostvarivanju zadataka određenih ovim Statutom i Zakonom o veterinarstvu Federacije BiH, a uz to:

- donosi sve temeljne odrednice za program rada Veterinarske komore Federacije;
- usvaja Statut Veterinarske komore Federacije;
- donosi Kodeks veterinarske etike i druge akte važne za djelovanje Veterinarske komore Federacije;

- brine o skladnom i trajnom razvoju veterinarske djelatnosti;
- raspravlja o pitanjima položaja veterinarskih djelatnika u društvu;
- donosi odluku o ućlanjivanju u međunarodne organizacije i prestanku ćlanstva;
- brine o poboljšanju materijalnih uvjeta veterinarskih djelatnika;
- bira predsjednika, dopredsjednike i predsjednike odbora Veterinarske komore Federacije;
- raspravlja i donosi stavove, zaključke i naputke o aktuelnim pitanjima koje rješavaju;
- razmatra i prihvaća izvješća o radu odbora;
- prihvaća izvješća o finansijskom poslovanju i o zakljućenom računu;
- prihvaća godišnji proraćun Veterinarske komore Federacije;
- izdaje jedinstvenu veterinarsku dokumentaciju u Federaciji kao i jedinstvene standarde i normative o radu;
- donosi poslovnik o radu skupštine;
- odlučuje o dodjeljivanju nagrada i priznanja ćlanovima;
- predlaže zaslužne ćlanove za odlikovanja i društvena priznanja;
- donosi odluku o prestanku rada Veterinarske komore Federacije, raspravlja o zaključcima i donosi zaključke o svim drugim pitanjima i prijedlozima koji su u djelokrugu skupštine, u skladu sa zakonskim odredbama i ovim statutom.

#### Ćlanak 20.

Skupština zasjeda po potrebi, a najmanje jedanput godišnje. Skupština se saziva na prijedlog predsjednika, odnosno na zahtjev najmanje trećine zastupnika ili najmanje dva kantona. Predsjednik mora sazvati Skupštinu najkasnije 20 dana nakon primitka obrazloženog zahtjeva, a ako to ne učini, Skupštinu mogu sazvati i sami predlagatelji.

#### Ćlanak 21.

Poziv na zasjedanje Skupštine mora biti urućen zastupnicima najmanje 10 dana prije sjednice. U pozivu moraju biti naznaćeni mjesto, dan i sat, te dnevni red zasjedanja Skupštine. Za kvorum je potrebno prisutnost većine ćlanova Skupštine. Sve odluke donose se natpolovićnom većinom prisutnih ćlanova Skupštine (danih glasova), osim:

- odluke o donošenju Statuta Veterinarske komore Federacije;
- izbora Predsjednika, dopredsjednika i predsjednika odbora;
- prijedloga i izvješćaja o finansijskom poslovanju i zakljućnom računu;

za koje se utvrđuje natpolovićna većina kao kvalificirana većina. Naćin rada određuje se Poslovníkom skupštine. O radu Skupštine vodi se zapisnik, koji se ćuva kao dokument trajne vrijednosti.

#### Ćlanak 22.

Svaki kanton bira za Skupštinu Veterinarske komore Federacije BiH svoje zastupnike po principu da na svakih 10 uposlenih veterinara bira jednog zastupnika. Skupština broji 40 ćlanova i to: 24 Bošnjaka, 12 Hrvata i 4 Srbina.

Izbor ćlanova Skupštine i ćlanova skupštinskih tijela u pravilu su neposredni, a provodit će se javnim ili tajnim glasanjem, prema odluci Skupštine.

## Članak 23.

Predsjednika i dva dopredsjednika Veterinarske komore FBiH predlažu članovi Skupštine na zasjedanju iz reda konstitutivnih naroda u Federaciji. Kandidacijsku listu potvrđuje Skupština većinom glasova prisutnih članova. Broj evidentiranih kandidata mora biti veći od broja kandidata koji se biraju.

## Članak 24.

Skupština izabire predsjednika i dva dopredsjednika Veterinarske komore FBiH na zasjedanju Skupštine natpolovičnom većinom prisutnih članova javnim glasanjem.

## Članak 25.

Mandat članova Skupštine, predsjednika, dopredsjednika, predsjedništva i stručnih odbora traje četiri godine.

## Članak 26.

Skupština ima pravo razriješiti članove organa Veterinarske komore FBiH koje je izabrala i prije završetka mandata, te odmah izabrati nove članove, uz uvjete predviđene zakonom i ovim statutom. Kad prestane mandat članu organa Veterinarske komore FBiH, Skupština može umjesto njega izabrati novog člana na prvom slijedećem zasjedanju.

## **PREDSJEDNIK VETERINARSKE KOMORE FBiH**

## Članak 27.

Predsjednik Veterinarske komore FBiH:

- predstavlja Veterinarsku komoru FBiH;
- izvršava zaključke predsjedništva;
- vodi sjednice predsjedništva;
- predlaže skupštini predsjednike odbora Veterinarske komore FbiH;
- potpisuje ugovore Veterinarske komore FBiH;
- supotpisnik je svih akata sekretara i blagajnika;
- u hitnim slučajevima nastupa u stvarima koje inače pripadaju djelokrugu Predsjedništva, o čemu obavještava Predsjedništvo;
- donosi odluku o pokretanju disciplinskog postupka ili ovlašćuje osobu za pokretanje postupka u slučaju kršenja odredaba ovog statuta, Kodeksa veterinarske etike i drugih akata Veterinarske komore Federacije;
- predlaže obustavu disciplinskog postupka;
- ovlašten je izjavljivati žalbe i pokretati sudske postupke pred nadležnim sudovima;
- potpisuje ugovore o radnim odnosima s Veterinarskom komorom;
- obavlja i druge poslove na temelju akata Veterinarske komore Federacije.

Predsjednik je za svoj rad odgovoran Skupštini Veterinarske komore Federacije. U odsustvu predsjednika Veterinarske komore Federacije istim ovlastima zamjenjuje ga dopredsjednik Veterinarske komore Federacije.

## **PREDSJEDNIŠTVO VETERINARSKÉ KOMORE FEDERACIJE**

### **Članak 28.**

Predsjedništvo operativno vodi rad Veterinarske komore Federacije. Predsjedništvo broji devet članova i čine ga: predsjednik, dva dopredsjednika, tajnik i predsjednici odbora Veterinarske komore Federacije (osim nadzornog odbora i suda časti).

Članove odbora Veterinarske komore Federacije imenuje predsjedništvo Veterinarske komore Federacije na prijedlog predsjednika odbora.

Predsjednik Veterinarske komore Federacije istodobno je i predsjednik predsjedništva Veterinarske komore Federacije.

### **Članak 29.**

Predsjedništvo Veterinarske komore Federacije obavlja sljedeće poslove:

- priprema materijale za zasjedanje Skupštine;
- izvršava zaključke i naputke Skupštine;
- raspravlja i zaključuje o pitanjima veterinarske djelatnosti;
- surađuje s Uredom za veterinarstvo, Federalnim ministrom poljoprivrede, šumarstva i vodoprivrede (u daljem tekstu: Federalno ministarstvo), Federalnim ministarstvom obrazovanja, nauke, kulture i sporta, Federalnim ministarstvom zdravlja, Federalnim ministarstvom odbrane, Veterinarskim institutom Federacije, veterinarskim zavodima, Veterinarskim fakultetom i drugim ustanovama i institucijama;
- raspravlja o zaključcima i donosi zaključke o izvješćima odbora Veterinarske komore Federacije;
- priprema prijedloge statuta, kodeksa i drugih akata Veterinarske komore Federacije;
- odlučuje o prestanku važenja licence;
- imenuje članove odbora Veterinarske komore Federacije;
- imenuje sekretara Veterinarske komore Federacije i s njim zasniva radni odnos;
- imenuje savjetnika Veterinarske komore Federacije;
- vodi financijsko poslovanje i upravlja sredstvima Veterinarske komore Federacije;
- odlučuje o visini članarine i drugim članskim obvezama;
- zasniva radne odnose s drugim suradnicima Veterinarske komore Federacije;
- donosi opće akte potrebne za rad stručne službe Veterinarske komore Federacije;
- obavlja opće akte potrebne za rad stručne službe Veterinarske komore Federacije;
- obavlja i druge poslove u skladu sa odredbama ovog statuta i drugim aktima Veterinarske komore Federacije.

### **Članak 30.**

Sjednice Predsjedništva saziva predsjednik Veterinarske komore Federacije. Kvorum je postignut uz prisutnost većine članova. Odluke se donose natpolovičnom većinom prisutnih članova. Za svoj rad Predsjedništvo je odgovorno Skupštini Veterinarske komore Federacije. Rad Predsjedništva utvrđuje se Poslovníkom. Odluke Predsjedništva potpisuje predsjednik ili jedan



od dopredsjednika. O radu Predsjedništva vodi se zapisnik.

## **ADMINISTRATIVNO - STRUČNI ODBOR**

### **Članak 31.**

Administrativno- stručni odbor je tijelo Veterinarske komore Federacije koji brine o registraciji članova u skladu sa statutom Veterinarske komore Federacije, te o izdavanju veterinarske dokumentacije po programu. Nadalje, ovaj odbor je tijelo Veterinarske komore Federacije koje usklađuje stručne interese i stavove Veterinarske komore Federacije s Uredom za veterinarstvo BiH, Federalnim ministarstvom poljoprivrede, vodoprivrede i šumarstva, Veterinarskim institutom i drugim institucijama radi poboljšanja stručne razine veterinarske djelatnosti u Federaciji. Administrativno-stručni odbor ima pet članova.

Predsjednika odbora bira Skupština Veterinarske komore Federacije na prijedlog predsjednika, a ostale članove odbora imenuje Predsjedništvo Veterinarske komore Federacije na prijedlog predsjednika odbora.

Mandat članova Odbora traje četiri godine. Predsjednik Odbora za svoj rad odgovara, i o svom radu izvješćuje, Predsjedništvo Veterinarske komore Federacije, a jedanput godišnje priprema saopćenje Skupštini Veterinarske komore Federacije.

### **Članak 32.**

Administrativno-stručni odbor ima sljedeće zadatke:

- nadzire Registar članova Veterinarske komore Federacije;
- prima i rješava molbe i primjedbe doktora veterinarske medicine pri upisu u Registar;
- predlaže visinu članarine i drugih davanja Veterinarskoj komori Federacije;
- izdaje odobrenja za rad doktora veterinarske medicine (licencu) za određeno vrijeme;
- surađuje u pripremi zakonskih, pod zakonskih i drugih pravnih akata s područja veterinarstva, kao i njegovog funkcioniranja;
- daje prijedloge za izradu standarda i normativa veterinarske djelatnosti;
- sudjeluje s veterinarskim fakultetom i drugim institucijama u programiranju dodiplomskog i poslijediplomskog studija;
- sudjeluje i u drugim zadacima koji mu se odrede.

## **ODBOR ZA VETERINARSKU ETIKU**

### **Članak 33.**

Odbor za veterinarsku etiku je stručno tijelo Veterinarske komore Federacije koje raspravlja, objavljuje, tumači i savjetuje u svezi s Kodeksom veterinarske etike. U radu je neovisno i djeluje po Zakonu, Kodeksu i Statutu Veterinarske komore Federacije. Odbor je sastavljen od predsjednika i četiri člana koje imenuje predsjedništvo Veterinarske komore Federacije na prijedlog predsjednika odbora. Mandat članova Odbora traje četiri godine. Predsjednika Odbora bira Skupština Veterinarske komore Federacije na prijedlog predsjednika komore.

### **Članak 34.**

Odbor za veterinarsku etiku obavlja sljedeće poslove:

- donosi pravilnik o promidžbi i načinu oglašavanja rada veterinarskih organizacija;
- ustanovljuje kršenje Kodeksa i predlaže organima Veterinarske komore Federacije sankcije;
- razmatra i ustanovljuje ugrožavanje ugleda veterinarske struke i s time u vezi zauzima stavove i predlaže postupak nadležnim organima Veterinarske komore Federacije;
- obavlja i druge poslove određene kodeksom veterinarske etike.

#### Članak 35.

Odbor odlučuje većinom glasova, a svoje stavove, mišljenja, preporuke i zaključke donosi u pismenom obliku. Član odbora koji je obrađivao slučaj ne može o njemu glasovati. Za svoj rad odbor je odgovoran predsjedništvu Veterinarske komore Federacije.

#### Članak 36.

Član Veterinarske komore Federacije koji se ne slaže sa stavovima i odlukama Odbora može se pritužiti Predsjedništvu Veterinarske komore Federacije. Predsjedništvo Veterinarske komore Federacije može, nakon temeljite rasprave, vratiti slučaj Odboru za veterinarsku etiku, uz zahtjev za reviziju slučaja.

### SUD ČASTI

#### Članak 37.

Sud časti je tijelo Veterinarske komore Federacije koje odlučuje o odgovornostima doktora veterinarske medicine pri kršenju pravila obavljanja veterinarskog zvanja, odnosno odredaba ovog statuta i Zakona o veterinarstvu u Bosni i Hercegovini i Zakona o veterinarstvu Federacije BiH.

Članovi Predsjedništva ne mogu biti članovi suda časti. Sud časti ima predsjednika i četiri člana, te isti broj zamjenika. Članove suda časti i njihove zamjenike imenuje Predsjedništvo Veterinarske komore Federacije na prijedlog predsjednika suda časti. Predsjednika suda časti bira Skupština Veterinarske komore Federacije. Mandat članova suda časti traje četiri godine.

#### Članak 38.

Nitko ne može biti pozvan pred Sud časti zbog političkih nazora.

#### Članak 39.

Sud časti obavlja sljedeće poslove:

- predlaže Pravilnik o radu suda časti i Pravilnik o disciplinskom postupku;
- istražuje i odlučuje o nepravilnostima pri obavljanju veterinarske djelatnosti na prijedlog Predsjednika Veterinarske komore Federacije ili po njemu ovlaštene osobe, pojedinca ili skupine doktora veterinarske medicine, druge fizičke ili pravne osobe, tijela Veterinarske komore Federacije i nadležnih tijela državne uprave;
- odlučuje o kršenju odredaba ovog statuta, Kodeksa veterinarske etike i drugih akata Veterinarske komore Federacije;
- obavlja i druge poslove koji su određeni ovim statutom, Pravilnikom o radu Suda časti i Pravilnikom o disciplinskom postupku;

- Sud časti odlučuje većinom glasova, a svoje odluke donosi pismeno.

#### Članak 40.

Postupak utvrđivanja odgovornosti pokreće se na zahtjev predsjednika Veterinarske komore Federacije ili po njemu ovlaštene osobe.

Za provedbu postupka može Sud časti imenovati istražno povjerenstvo. Za članove povjerenstva mogu se imenovati savjetnici Veterinarske komore Federacije i drugi članovi Veterinarske komore Federacije. Član povjerenstva koji je vodio istragu ne može odlučivati o prekršaju.

#### Članak 41.

Za povrede ustanovljene odredbama ovog statuta Sud časti može izreći opomenu, ukor, novčanu kaznu ili zabranu obavljanja veterinarske djelatnosti na određeno vrijeme i o tome izvješćuje Federalno ministarstvo.

#### Članak 42.

Protiv odluka Suda časti moguće je uložiti žalbu Predsjedništvu Veterinarske komore Federacije, ako se ne odnose na javna ovlaštenja iz članka 58. stava 3. tačka. 1 do 5. Zakona o veterinarstvu u Bosni i Hercegovini Federacije. Predsjedništvo Veterinarske komore Federacije rješava pritužbe u II stupnju. Odluke Predsjedništva Veterinarske komore Federacije su konačne.

#### Članak 43.

Sud časti je odgovoran za svoj rad Predsjedništvu Veterinarske komore Federacije, a o svom radu izvješćuje Skupštinu Veterinarske komore Federacije.

U pogledu postupka pred Sudom časti na odgovarajući se način primjenjuju odredbe Zakona o upravnom postupku («Službene novine Federacije BiH», 2/98 i 48/99) i Zakona o kaznenom postupku («Službene novine Federacije BiH», 43/98 i 19/03).

### **BRANITELJ**

#### Članak 44.

Branitelj zastupa interese okrivljenog u disciplinskom postupku. Branitelj može biti svaki član Veterinarske komore Federacije ili odvjetnik kojega odabere okrivljeni. Branitelja može odrediti Predsjedništvo Veterinarske komore Federacije.

Branitelju se na isti način izabire zamjenik.

### **ODBOR ZA STRUČNO USAVRŠAVANJE DOKTORA VETERINARSKJE MEDICINE**

#### Članak 45.

Odbor za stručno usavršavanje doktora veterinarske medicine jest tijelo Veterinarske komore Federacije koje se brine o upotpunjavanju stručne izobrazbe, prema odredbama Pravilnika o stručnom usavršavanju doktora veterinarske medicine.

#### Članak 46.

Odbor surađuje s Uredbom za veterinarstvo BiH, Federalnim ministarstvom, Federalnim ministarstvom za obrazovanje i nauku, Veterinarskim institutom Federacije, veterinarskim zavodima, Veterinarskim fakultetom, te s drugim ustanovama u organizaciji i provedbi svojih zadaća.

#### Članak 47.

Odbor za stručno usavršavanje obavlja sljedeće poslove:

- planira i programira stručno usavršavanje doktora veterinarske medicine;
- prati i kontrolira stručno usavršavanje doktora veterinarske medicine;
- donosi Pravilnik o povremenoj kontroli znanja doktora veterinarske medicine;
- organizira provjeru znanja doktora veterinarske medicine;
- izdaje potvrde nakon obavljenih provjera znanja koje su pretpostavka u dobijanju i obnavljanju dozvole (licence) za obavljanje veterinarskih djelatnosti u određenom razdoblju;
- predlaže i evaluira učešće doktora veterinarske medicine na međunarodnim stručnim skupovima;
- vodi evidenciju o stručnom usavršavanju;
- obavlja i druge stručne poslove za potrebe Veterinarske komore Federacije.

#### Članak 48.

Odbor za stručno usavršavanje čini pet članova koje imenuje Predsjedništvo Veterinarske komore Federacije. Predsjednika odbora bira skupština na prijedlog predsjednika Veterinarske komore Federacije.

Mandat članova Odbora i predsjednika traje četiri godine.

#### Članak 49.

Odbor izvješćuje Predsjedništvo Veterinarske komore Federacije i odgovoran je za djelovanje Predsjedništva. Jedanput godišnje priprema izvješće za Skupštinu Veterinarske komore Federacije.

### **GOSPODARSTVENI ODBOR**

#### Članak 50.

Gospodarstveni odbor ima pet članova. Predsjednika odbora bira skupština na prijedlog Predsjednika Veterinarske komore Federacije, a članove odbora imenuje Predsjedništvo Veterinarske komore Federacije na prijedlog predsjednika odbora.

Prema potrebi Odbor uključuje u rad i gospodarstvene, pravne ili druge stručnjake. Mandat članova Odbora traje četiri godine.

#### Članak 51.

Gospodarstveni odbor obavlja sljedeće poslove:

- štiti materijalne interese svojih članova;
- izrađuje kriterije za vrednovanje rada doktora veterinarske medicine;
- odlučuje o minimalnim cijenama rada doktora veterinarske medicine;
- predlaže cjenovnik veterinarskih usluga prema nomenklaturi;
- priprema prijedloge za financiranje veterinarskih djelatnosti;
- priprema prijedloge za financiranje komorske aktivnosti mimo članarine (donacije);
- izvršava prihvaćene zaključke o financiranju Veterinarske komore Federacije;

- razmatra propise s područja financiranja veterinarstva;
- redovito analizira gospodarstveni položaj veterinarstva i veterinarskog staleža, te u tome izvješćuje Predsjedništvo Veterinarske komore Federacije.

#### Članak 52.

Predsjednik Gospodarstvenog odbora odgovoran je Predsjedništvu Veterinarske komore Federacije. Jedanput godišnje podnosi izvješće Skupštini Veterinarske komore Federacije.

### **NADZORNI ODBOR**

#### Članak 53.

Nadzorni odbor ima pet članova. Predsjednika bira Skupština Veterinarske komore Federacije. Članove ovog odbora imenuje Predsjedništvo na prijedlog predsjednika odbora. Mandat članova Nadzornog odbora traje četiri godine.

Nadzorni odbor neposredno je odgovoran Skupštini i predsjedniku Veterinarske komore Federacije. Najmanje jedanput godišnje podnosi izvješće Skupštini. U Nadzorni odbor ne mogu biti birani članovi drugih odbora i tijela Veterinarske komore Federacije.

#### Članak 54.

Nadzorni odbor obavlja sljedeće poslove:

- nadzire provođenje Statuta i drugih općih akata Veterinarske komore Federacije;
- nadzire materijalno poslovanje Veterinarske komore Federacije;
- nadzire financijsko i blagajničko poslovanje Veterinarske komore Federacije;
- nadzire knjige i akte koji se odnose na materijalnu dobit i imovinu Veterinarske komore Federacije;
- obavlja i druge poslove nadzora prema odluci Skupštine.

### **IZDAVAČKI ODBOR**

#### Članak 55.

Izdavački odbor organizira:

- izdavanje stručnih, znanstvenih i popularnih izdanja, priručnika i obrazaca iz područja veterinarstva;
- izdavanje časopisa u kojem objavljuje sve akte Veterinarske komore Federacije, izvješćuje o aktivnostima Veterinarske komore Federacije i njezinih organa, kao i o radu podružnica i odjela;
- po potrebi izdavanje i drugih časopisa i biltena iz oblasti veterinarstva;
- obavlja i druge poslove iz izdavačke djelatnosti koje odrede Skupština, Predsjedništvo, i Administrativno-stručni odbor temeljem posebnih ovlasti Ministarstva.

#### Članak 56.

Izdavački odbor ima pet članova. Predsjednika bira Skupština Veterinarske komore Federacije. Članove odbora imenuje Predsjedništvo na prijedlog predsjednika odbora. Mandat članova izdavačkog odbora traje četiri godine.

#### Članak 57.

Rad Izdavačkog odbora uređuje se Pravilnikom o izdavačkoj djelatnosti. Odbor djeluje u skladu sa zakonom, a za svoj rad odgovara Predsjedništvu Veterinarske komore Federacije, a jedanput godišnje podnosi izvješće Skupštini Veterinarske komore Federacije.

## **VI ČLANSTVO**

### Članak 58.

Članovi Veterinarske komore Federacije su svi doktori veterinarske medicine koji obavljaju poslove veterinarske djelatnosti na području Federacije sukladno Zakonu i ovom statutu.

### Članak 59.

Status člana Veterinarske komore Federacije stječe se upisom u člansku evidenciju, uz uvjete:

- da je kandidat doktor veterinarske medicine ili da ima nostrificiranu diplomu veterinarskog fakulteta;
- da djeluje na području Federacije;
- da mu odlukom suda ili nekog drugog nadležnog organa nije izrečena mjera zabrane obavljanja veterinarske djelatnosti.

### Članak 60.

Zdravstvenu zaštitu životinja i veterinarsku djelatnost u Federaciji može obavljati samo zaposlenik s licencom.

Licenca za obavljanje djelatnosti stječe se uz uvjete:

- završen studij Veterinarskog fakulteta i stjecanje naziva doktor veterinarske medicine ili nostrificiranje diplome;
- položen stručni ispit;
- ispunjeni opći uvjeti za zasnivanje radnog odnosa;
- vladanje jednim od jezika konstitutivnih naroda u Federaciji;
- članstvo u Veterinarskoj komori Federacije.

### Članak 61.

Doktori veterinarske medicine koji obavljaju zdravstvenu zaštitu životinja i veterinarsku djelatnost moraju biti upisani u Registar doktora veterinarske medicine Federacije BiH.

Način upisa doktora veterinarske medicine u registar iz 1. stava ovog članka i vođenje tog registra u nadležnosti je Administrativno- stručnog odbora Veterinarske komore Federacije.

## **PRIVREMENA ZABRANA, ODUZIMANJE ILI PRESTANAK ODOBRENJA ZA RAD**

### Članak 62.

Sud časti Veterinarske komore Federacije može doktoru veterinarske medicine privremeno oduzeti dozvolu za rad, ali ne duže od 12 mjeseci- ako je disciplinskim postupkom utvrđena i dokazana povreda odredaba ovog statuta, Kodeksa veterinarske etike i drugih pravila.

U najtežim slučajevima kršenja ovog statuta, Kodeksa i pravila, te u svezi dokazanih kaznenih dijela. Sud časti Veterinarske komore Federacije može oduzeti odobrenje za rad kroz

duže vrijeme ili trajno.

#### Članak 63.

Doktoru veterinarske medicine prestaje odobrenje za rad:

- osobnim pismenim odricanjem obavljanja veterinarske djelatnosti;
- ne produživanjem dozvole za rad (licence);
- ustanovljenjem da više ne ispunjava uvjete propisane zakonom;
- isključenjem iz članstva Veterinarske komore Federacije;
- oduzimanjem dozvole za rad.

Prestanak prava obavljanja veterinarske djelatnosti određuje Skupština Veterinarske komore Federacije.

### **PRAVA I OBAVEZE DOKTORA VETERINARSKE MEDICINE**

#### Članak 64.

Upisom u Registar doktor veterinarske medicine stječe prava i obaveze po zakonima, ovom statutu i Kodeksu veterinarske etike.

#### Članak 65.

Doktor veterinarske medicine je dužan izvijestiti Veterinarsku komoru Federacije o svom preseljenju ili promjeni poslodavca, te postizanju višeg stupnja stručnosti.

U veterinarskim ustanovama ili društvima, rukovodstvo je dužno obavještavati Veterinarsku komoru Federacije o promjenama koje se vode u Registru doktora veterinarske medicine.

#### Članak 66.

Doktor veterinarske medicine vlasnik veterinarske ambulante pri promjeni adrese, mora preseljenje prijaviti Veterinarskoj komori Federacije 30 dana prije preseljenja, te predočiti dokaze nadzornih tijela o ispunjavanju minimalnih tehničkih i drugih uvjeta za obavljanje odgovarajuće veterinarske djelatnosti.

#### Članak 67.

Član Veterinarske komore Federacije obvezan je plaćati članarinu i druge obaveze koje odredi Skupština Veterinarske komore Federacije.

Do 30.06. tekuće godine sekretar Komore će pismenim aktom pozvati članove da izmire svoje obaveze po osnovu članarine, uz ostavljanje roka od 30 dana od dana dostavljanja pismenog akta.

#### Članak 68.

Doktor veterinarske medicine mora imati svoj štambilj na kojem su, uz ime i prezime, označene kratice profesionalne i akademske izobrazbe i grana temeljne specijalizacije.

#### Članak 69.

Veterinarske organizacije promiču obavljanje svoje djelatnosti sukladno odredbama Pravilnika iz članka 34. ovog statuta.

## Članak 70.

Doktori veterinarske medicine imaju pravo i obavezu da se neprestano stručno usavršavaju. S tim ciljem Veterinarska komora Federacije:

- organizira Odbor za stručno usavršavanje doktora veterinarske medicine;
- usvaja program stručnog usavršavanja;
- kontrolira uspješnost stručnog usavršavanja.

Status Odbora za stručno usavršavanje posebno se uređuje pravilnikom.

## **VII ZASTUPANJE I PREDSTAVLJANJE VETERINARSKE KOMORE FEDERACIJE**

### Članak 71.

Veterinarsku komoru Federacije zastupa i predstavlja predsjednik Veterinarske komore Federacije. Predsjednik može ovlastiti i druge osobe za zastupanje Veterinarske komore Federacije.

## **VIII PODRUŽNICE I STRUČNI ODJELI VETERINARSKE KOMORE FEDERACIJE BiH**

### Članak 72.

Podružnice Veterinarske komore Federacije osnivaju se za područje jednog ili više kantona, a prema potrebi i uvjetima i za druga područja.

Podružnica je sastavni dio Veterinarske komore Federacije, s ulogom obavljanja poslova, promicanja i usklađivanja zajedničkih interesa članova Veterinarske komore Federacije na svom području djelovanja, uz pridržavanje odredaba ovog statuta i odrednica organa Veterinarske komore Federacije.

### Članak 73.

Podružnice imaju svoj naziv, koji se dodaje nazivu Veterinarske komore Federacije:

«Veterinarska komora Federacije»- Podružnica \_\_\_\_\_.

Podružnica ima svoj štambilj.

### Članak 74.

Osnivanje i organizacija podružnice ovisi o uvjetima i potrebama kantona, ili drugih okolnosti.

### Članak 75.

Podružnicu vodi odbor od pet članova koji biraju predsjednika.

Mandat članova odbora traje četiri godine. Članovi odbora podružnice Veterinarske komore Federacije djeluju volonterski.

### Članak 76.

Podružnica djeluje u granicama svojih sredstava, prava, obaveza i odgovornosti, na temelju ovog statuta i na temelju ovlasti organa Veterinarske komore Federacije.

Podružnica donosi pravila o radu u skladu s ovim datumom i Odlukom o osnivanju



podružnice.

#### Članak 77.

Stručni odjeli osnivaju se za pojedine stručne ili znanstvene grane i discipline. Djelovanje i rad stručnog odjela mora biti u skladu sa zadacima Veterinarske komore Federacije.

#### Članak 78.

Odjeli rade samostalno. Odjel radi na osnovu pravilnika o radu, kojim se regulira sastav, način izbora članova i druga pitanja iz njegovog djelokruga. Stručne odjele osniva Skupština Veterinarske komore Federacije na prijedlog Predsjedništva.

### **IX OPĆI AKTI VETERINARSKE KOMORE FEDERACIJE**

#### Članak 79.

Statut Veterinarske komore Federacije je temeljni akt i s njim moraju biti usklađeni svi akti Veterinarske komore Federacije.

#### Članak 80.

Akti Veterinarske komore Federacije jesu:

- Statut Veterinarske komore Federacije;
- Kodeks veterinarske etike;
- Pravilnik o promidžbi i načinu oglašavanja rada veterinarskih organizacija;
- Pravilnik o radu Suda časti;
- Pravilnik o stručnom usavršavanju doktora veterinarske medicine;
- Pravilnik o gospodarstvenom i financijskom poslovanju Veterinarske komore Federacije;
- Pravilnik o radu tijela Veterinarske komore Federacije;
- Pravilnik o nagradama i priznanjima;
- Pravilnik o izdavačkoj djelatnosti;
- Ostali pravilnici, poslovnici i akti.

#### Članak 81.

Opći akt potpisuje predsjednik Veterinarske komore Federacije.

#### Članak 82.

Inicijativu za donošenje Statuta i njegovih izmjena mogu dati Predsjedništvo Veterinarske komore Federacije, Nadzorni odbor ili podružnica Veterinarske komore Federacije. Inicijativa se upućuje Predsjedništvu, koje imenuje Komisiju za izradu nacрта Statuta odnosno njegovih promjena, određuje način vođenja i trajanja javne rasprave.

### **X STRUČNA SLUŽBA VETERINARSKE KOMORE FEDERACIJE**

#### Članak 83.

Za obavljanje stručnih, administrativnih, materijalno finansijskih, pomoćnih i drugih poslova, Veterinarska komora Federacije ima stručnu službu s potrebnim brojem djelatnika. S djelatnicima stručne službe Predsjednik zasniva radni odnos na neodređeno ili određeno vrijeme.

#### Članak 84.

Rukovoditelj stručne službe je sekretar Veterinarske komore Federacije. Sekretar organizira i usklađuje rad organa Veterinarske komore Federacije u granicama dobivenih ovlasti, obavlja i druge poslove za koje ga ovlaste tijela Veterinarske komore Federacije.

Predsjedništvo Veterinarske komore Federacije imenuje sekretara na osnovu javnog natječaja i zaključuje s njim ugovor o radu.

#### Članak 85.

Djelokrug rada, prava i dužnosti stručne službe uređuju se pravilnikom koji donosi Predsjedništvo.

### **XI PRIJELAZNE I ZAVRŠNE ODREDBE**

#### Članak 86.

Potrebne akte Veterinarske komore Federacije nadležni odbori dužni su pripremiti u roku od tri mjeseca od dana stupanja na snagu ovog statuta.

#### Članak 87.

Za tumačenje ovog statuta ovlašteno je Predsjedništvo Veterinarske komore Federacije.

#### Članak 88.

Na temelju članka 60 stavka 2. Zakona o veterinarstvu u Bosni i Hercegovini suglasnost na ovaj statut daje Vlada Federacije Bosne i Hercegovine.

#### Članak 89.

Ovaj statut stupa na snagu danom donošenja.

***PREDSJEDNIK***

---

Prof.dr.sc. Jasmin Ferizbegović

M.P.